

12

**LA MATINA**  
**LO MIEZOIUORNO**  
**LA SERA**  
**E LA NOTTE**

**DE LI BONTONISTE**

**COFFIATURA**

**DE LO BARONE MICHELE ZEZZA.**



**IN NAPOLI**

**NELLA TIPOGRAFIA DELLA SOCIETA' FILOMATICA.**

**1858.**



Così trapassa al trapassar d' un giorno  
Della vita mortale il fiore, e 'l verde ;  
E pel Buon-tuono, che non vale un corno,  
L'oro, il tempo, e 'l cervel, tutto si perde.

*Osservazioni Critiche.*



## LA MATENA

**M**usa mia , no cchiù Nferte : e cche mmalora ! (1)

Te n' aie fatta na panza ; e mmanco avasta ?

Ntra le stampate , e no stampate ancora

Ne puo' appiccià de legna na catasta.

Qua alluorgio sona sempe la stess' ora ?

Qua gnoccolaro fa schitto na pasta ?

Lassa stà Capodanno , cagna suono ,

E ssa tiorba toia vota a Buon-tuono.

Si contaste nfà a nmo mbruoglie , e mmiserie

De vaiasse , banchiere e ba scorrenno ,

Accommenza a sforgià cose cchiù serie.....

Frabbotta , tu mme ntieme , ed io tte ntenno.

Mo le mmode so proprio le mmaterie ,

Ma materie addavero , che mmettenno

Stanno sotto soppressa lo cerviello

D' ogne sdammina , e d' ogne milordiello.

\*

La Musa de Parrino ave nzegnate

Ssi secrete a le nnobbele perzone :

Si chella è Mmusa de no guappo Abbate , (2)

Tu non sî Musa de no gran Barone ?

Donca fa nzine fine baronate ,

E a fîesta fa souà lo campanone :

Comm' a llupomenaro apre la vocca ,

Dalle de core , ed a cchi tocca , tocca.

O figlio tu de no compagno antico

De chest' arma , quann' eramo scolare ,

Conte Sconiglio , aggio a pparlà co ttico ,

Pe tte mettere a ghiuorno de st' affare.

Si non pozzo sfocare co n' ammico ,

Co chi canchero , ne , pozzo sfocare ,

Io , che ciuccio scolaro latinista ,

Mo so masto provetto bontonista ?

Miettete nguardia sa : ciente dotture

P' ogne ccantone stann' aprenno scole ;

E ssiente sprubbecà libbre , e screttture

Porzà.... nnevina mo ?.... da le ffigliole.

Sguigliano banche de speculature ,

Che nne vuo' fare chelle d' acquaiuole :

E ogne ttanto esce ncampo no nventore

De quacche nnova machena a bapore.

Se va a ghelare neopp' a na montagna ,  
Se risea la vita mmiczo mare ,  
Lo iuorno non se veve , e non se magna .  
La notte non se penza a freposare ,  
Nè rrecchezza , nè ccuorio se spargna ,  
Pe ffarse da lo munno nnonmenare.  
Tutto chesto pecehè? pe ntinnuà guerra  
A lè mmode.... Lo piello ehe ll' afferra !

Ma tu , Sconciglio mio , che ssì de razza  
De *tutto sango* , qua ccavallo angrese , (3)  
Nè ssì nato sfclenza mmiczo Chiazza  
Da quacche ppacchesicco calavrese ,  
Non dà retta a ssa ggente , ggente pazza ,  
Che bo esse mannata a lo paiese ,  
Anze , cchiù cchiaro , a ffarse benedicere .  
Ca non sa che se fà , nè cche se dicere .

Arbanno iuorno , già li monnezzare  
Scopano la cetà : ntutte le strate  
S' apreno li Cafè: l' acquavitare  
Vanno vennenno fremme e mmascavate :  
Artiste , casadduoglie , e ppotecare  
Mettono mano a flierre : e ggìa assommate  
So li pacchiane , e pportano viagge  
D' ova , frutte , recotte , e ccompanagge .

Va chià , non t' abbelì , ca chisse taste

Non sonano pe tte , che ssà signore :

Pe l' arba toia nc' è ttiempo : non cenaste

Tu , comm' a lloro , a le bintiquatt' ore ,

E peo de pullo non t' ammasonaste.

Pe ggente ricche , e nnobbele de core ,

E pe cchelle , che ssongo strafalarie

Nce stanno duie sistemme planetarie.

Tu , mo nce vo , te stiste a sfiziare

Ntra iuoco , ammore , ballo , canto e ssuono ,

E ssentenno Sant' Ermo scampanare ,

Deciste : sona tu , ca ccà sto buono ;

Po stracquo te faciste strascenare

Da no troschetto a l' urdemo buon-tuono

A lo palazzo a Chiaia , digno quartiere

P' alloggià schitto sdamme , e ccavaliere.

Llà l'appetito te tenette nveglia ,

E la cena ordenaste nnitto nfatto.

Avarria a pparlare la botteglia ,

Avarria a ccontare lo peiatto ,

Si parive l' ottava mmaraveglia ,

Si non ive no lupo bello e fflatto.

A la fine lo gallò , che scetaie

Li cafune , la nonna a tte ccantaie.

T' attocca pe ghiostizia , e non pe rrazia,  
D' appapagnà nfì a ttardo, e ttardo assaie.  
Cchiù ngrassa chi de suonno celiù se sazia ;  
E ppo , dormenno non se penza a gguaie.  
Si te passa lo suonno verbirazia  
Vierzo l' *unnece e mmeza* , non sia maie  
Che tte suse ; ma aspetta lo nsignale  
De chillo ccannoncino puntoale. (4)  
Suone lo campaniello ; e a cchella botta  
Trase lo cammariero , che a ttentone  
Primma d' *Accellentissime* tt' abbotta ,  
E ppo arape na senga de bareone.  
Tu te sciereche ll' uocchie ncoppa e ssotta ,  
Te faie na stennecchiata a sfazione ,  
Faie na ventosità , sospire , ed ale ,  
Decrammanno : *Chi ala , poco vale*.  
Ma già lo cammariero ha preparata  
Na tazza detta ntosco de *stoviglia* ,  
Chiena zeppa de latte e cciocolata  
Co bainetta.... Che ddico ?.... co bainiglia ,  
Che da Monzù Barrè manipolata (5)  
Lo naso tt' addecrea da cciento miglia.  
Tu te la surchie , e ssi po n' aie cchiù boglia ,  
Ne faie mettere a ccoce n' altra poglia.

Spero mperò che mmente staie menanno

Chillo nettare bello int' a la panza ,

For' a la sala non te stia aspettanno

Lo cosetore , che cchiù note avanza.

Sarria no trademiento , anze no nganno

Ntossecarte accossì : si pe crianza

Aspetta da seie mise , pò aspettare

N' altre seie , pe non fà li cunte spare.

Ma trasa quanno vo senza mmasciate ,

Sibbè te stisse a spremme a lo licette ,

Lo monzù che tte mmezza a ffà *spaccate* ,

*Pa-de-dù , scen-de-damme , e ppirolette*.

Trasa chillo ch' è mmasto a ffà *volate* ,

*Comune , ligature , arie , e trillette* ;

E qquann' apre la vocca , ha lo vantaggio

Ca ped issa l' annata è ssempe Maggio.

Formato ntra de vuie sso terno sicco

De Crieco , Crocco , e Maneco d' ancino ,

Appurate si scrive Don Repicco ,

O Don Macazio a quacche triatino ;

Si Giacometto , che ss' è fflatto ricco

Nfranza a bottà le ggamme , sta ncammino

Pe ffà lo riesto a Nnapole ; e a lo Funuo

Si *debutta* lo *bassa* Sputatunno.



Doppo fatta na bona sessione

Ncopp' a ss' affare de mportanzia assaie ,

Consegnale na pezza a llezzione ,

E mmannanille pe ttornà po craie.

Tu sì Conte ? e quann' aie la ntenzione

De sapere na cosa , già la saie :

E cchi co mmaste commerzà te vede ,

No gra smostro de scienza già te crede ,

Ma mo che no monzù già se n' è sciso ,

E cchill' autro monzù mo se ne scenne ,

Io lo penziero tuo già l' aggio ntiso ;

Ca » figlio muto mamma soia lo ntenne ,

Te vuò' sosere ? e ba , che fuss' acciso ,

Susete , e ppenza che lo sole sbrenne

Da sett' ore pe ll' altre ; e la toletta ,

Pe farte proprio no *bisciù* , t' aspetta.

Nfilate li papusce , e ttale quale.

Ncazonetto , e ncammissa , che mme pare

Polecenella vero e nnaturale ,

T' aie a llavà la faccia : fa portare

Acqua de rosa , latte vergenale ,

Musco , zibbetto , e ppasta consolare :

Ca l' acqua fresca maie non leva fiete ,

E schitto è hbona pe cchi tene sete.

Nchiacca lo scopettino de cravone ,  
E strofina li diente a botavraccio :  
Sciacquale co na spogna buone buone ,  
E ddoppo po l' asciutta co no straccio ,  
Pettene ; e mmiette scumma de sapone  
A lo *napolione* ; e a lo mustaccio :  
Sedugne d' uoglio antico li capille ,  
E trovannone ianche , scippannille.

Criscete l' ogne a pponta de sciamarro ,  
Pe ddà na foca ncanna a quacche pazzo .  
Si accorre : po te fumme no sicarro ,  
D' Amereca mperò de n' *onza* a mmazzo.....  
Oh mmalora ! Chi trase ?.... È , si no sgarro ,  
Lo pittore fammuso Don Scopazzo ,  
Che addavero ave famma de felusse ,  
Ma te scarta li ianche , e bo li russe .

Zincara no nce vo pe ssa ventura :  
L' aie mannato a cchiammà pe sfarte fare .  
Lo retretto.... retratto a mminiatura  
Ncopp' avorio , e ppo fartelo ncrastare  
Nfacce a na tabbacchera a preta dura ,  
Pe ppoterelo mprubbecco mostare ,  
E ssentire da tutte spisso spisso :  
Và , v' Sconcioglio ! È isso , e cchiù che isso !

Doppo na mez' oretta de *seduta*

( Ntenno *seduta* p' esse retrattato )

È ttiempo , Conte mio , de fà n' asciuta ,

Non de quarto , o de cuorpo : già nfollato

Stace Toletto , e l' ora è già benuta

De lo spasseggio : curre mpupazzato

Ntra chille , che non sanno e cche non hanno

Autro che flare , e hanno passianno.

Si mperò ntutta moda vuo' ammarciare ,

Pe ffà restare ognuno stoppafatto ,

Comm' a no ciuccio t' aie da ccarrecare ,

Ma no ciuccio a duie piede , e non a quatto.

Pe pparè no modista d' *alto affare* , (6)

Pe non passà pe ccavaliero sfatto ,

Appizza mo le rrecchie , e ssiente buono

La sarma , che tt' assegna lo buon-tuono.

Appiennete a lo cuollo na catena

D' oro sa non d' acciario , ca l' acciario

È ffiglio de lo fierro , e chisso è ppena

A lo scianco de chi cammina spàro.

No lilorgetto gruosso a mmalappena

Quant' a n' ognan ce attacca caro caro ,

E ddint' a lo gilè po schiaffatillo ,

Non già de lo cazione a lo vorzillo.

Porta mpietto no stucchio , ma che sia  
( Comme tte vorria dicere ? ) n' armario :  
Ss' arnese , dice la galantaria ,  
Ch' è nnecessario , e bero necessario.  
Na bella cartapecora nce stia ,  
Pe nnotarence orario , e mminutario  
De li fatte de ll' altre , e non già tuoie ,  
Azzò leggerle mprubbeco li puoie.

No pettene nce stia , n' annetta-diente ,  
N' annetta-recchie , quacche boccettella  
D' essenzia , si tte piglia n' accidente ,  
Quacche palicco , e quacche froffecella.....  
Canhero ! me scordava de la lente ,  
Che ffa passarve pe ccecate : oh bella !  
Ca tutte chille , che bedè nce vonno ,  
Non songo bontoniste manço nsuonno.

La Moda ( e ttu te lieve lo cappiello  
A sso nomme , sì no , sì no pacchiano )  
Commanna de nfilarese n' aniello  
Aommanco a quatto deta d' ogne mmano ;  
Ma forgiato secunno lo modiello  
De l' anielle scavate a Pompeiano.  
Ssa mmenzione pararria sconnessa ;  
Ma se pò rebbrecà , si l' ha fatt' essa ?

Mo non sulo cazione , cazonetto ,  
Gilè , e sciammeria vonno li bottune ,  
Ma la cammisa mposomata mpietto  
Pure li ho de tutte naziune.  
Donca te n' aie da ffà no parapietto ,  
Sia de prete porzì de carrafune ;  
E mmiezo , comm' a miercodì , nce chiante  
Na spingola o de perne , o de brillante.

Primma d' ascì fa na refressione :

Si d' acedo te siente quacche nnizio ,  
Pe ddare ncapo a ssa ndegestione ,  
Jesce a ppede , e ccammina a precepizio :  
Ma si staie buono , fa colazione ,  
E ba ncarrozza , ca nce avraie cchiù sfizio.  
È mmeglio , mme deceva no compare ,  
Vedere cammenà , che ccammenare. (7)

Statt' attiento , apre ll' uocchie pe le scale ,

Ca certe scale fanno fà sospire ;  
Anze cchiù , fanno fà saute mortale ,  
A lo scennere no , ma a lo saglire.  
Quanno po è l' ora de menà a ccanale ,  
Pe ghiettarte le spese addò vuo' ire?...  
Che nne votto?... Nce mancano messere ,  
Che mmitano a mmagnà li cavaliere ?

NOTE.

- (1) *Musa*, non più d'amor, cc.

*Marino. Strage degl' Innocenti.*

- (2) *Abate Parini*, autore dell' *Opera*

Il Mattino, il Mezzogiorno, il Vespro, e la Notte.

- (3) *I più perfetti cavalli inglesi son quelli detti di tutto sangue: non avranno dunque verun' umore ne' loro corpi.*

- (4) *Nella bottega d' un oriolajo al Largo di San Ferdinando in Napoli spara ogni mattina un cannoncino, indicando il mezzodì.*

- (5) *Rinomato manipolatore di cioccolatto.*

- (6) *Alcune frasi tecniche del buon tuono perdono tutta la loro delicatezza, trasportandole in dialetto: non bisogna dunque degradarle.*

- (7) *Qui calza bene il trito adagio toscano*

« Cavar la castagna colla zampa altrui.

« *Cum alieno periculo rem suam conficere.*

## LO MIEZOIUORNO

**G**ira , vota , e mmartella , e ttu ntramente ,  
Sconcioglio caro , stracquo , strutto , e sfatto ,  
Parlanno senza maie conchiude niente ,  
E ssotta , e ncoppa cammenanno astratto  
A ggenio sempe de le ggamme , siente  
Che già ncapo tte sonano le *quatto*.  
Addò pienze a cchess' ora accossì tarda ,  
Addò pienzo appoiare la libarda?  
A cchess' ora , se sape , che l' artiste  
Hanno tutte magnato , e ddeggeruto :  
Ma chille de cerviello so sproviste ,  
E , ppe ddì meglio , maie no n' hann' avuto.  
Lo gra sistema de li bontoniste  
È schitto l' approvato , e rrecevuto.  
Se pò magnare co lo sole mpierno ?  
*Oh gran rossore ! Oh vituperio eterno ! (1)*

Mme passa pe la capo no penziero ,  
E te lo voglio dare pe consiglio :  
Va da l' ammico tuid , chillo frostiero  
Che alloggia a la locanna de lo Giglio.  
Si tu s' Conte , chillo è Ccavaliero ,  
Chillo è de Casa *Ancine* , e ttu *Sconciglio* :  
Donca ntra vuie , signure mieie , nce sta  
Na certa tale e quale affinetà.

Tu azziette lo consiglio ? beneditto !  
Saie ch' è cconsiglio che nn' annozza ncanna ;  
E pperzò ruglio ruglio , e rritto ritto  
Aie pigliata la via de la locanna.  
Trase : lo guardaporta zitto zitto  
S' accosta ; tu respunne a l' addimmanna :  
*Son de Sconciglio, e vo a trovar de Ancine :*  
Ca senza *de* sarrisseve facchine. (2)

Nnantecammera arrive : lo decano  
Fa la mmasciata : co na faccia allera  
Esce *Ancine* , te piglia pe la mano ,  
E ccorre a presentarte a la mogliera.  
Conte mio , v'ì ca tu non s' pacchiano ,  
E ccà la Moda regna de maniera ,  
Che si non fusse tu , mo pararrisce  
Lo marisso de tutte li marisse.



La sdamma Lisa , che tte vede , fegne  
D' auzarse , ma non s' auza ; la faccella  
De colore de rosa già se tegne ,  
Si pure non è ttenta de piattella :  
Co lo musso fa ciente marcangegne ,  
Pe rrire no , ma pe pparè cchiù bella ;  
E ncagno de parole , co lo sciato  
Te conzegnà no tuono articolato. (3)

Non te fà vence sa , Conte , mo pare  
Si cacciaste profitto da ssa scola :  
Accommenza tu pure cò siscare ,  
Comme fusse no mierolo ngaiola :  
Co no pede mettennote a strisciare ,  
Fa sentì lo rommore de la sola ;  
E ffigne , co la capo a sì , e no ,  
De menà capozzate comm' à-fò.

Ma trase già no cammariero , e avvisa  
Che ntavola la zuppa se ne vene :  
Ogne mmitato fa la faccia a rrisa ,  
Nsignale de lo canchero che ttene .  
S' auza da lo sofà la sdamma Lisa ,  
E tte face a bedè che a tte commene ,  
Comm' a Conte , de darele lo vraccio ,  
Pecchè se sente propeto no straccio.

Comme na figlia de la Nunziata ,  
Che pe rrazia sta scritta int' a la lista  
De chella tale Bonafficiata ,  
Che non saccio mperò si è bbona o trista ,  
Quanno la *strazzione* s' è terata ,  
Si ntra li cinco nummere s' è bista ,  
Ride , zompa , e non cape int' a li panne ,  
Ca de sposà lle pareno mill' anne :

Cossì rell'è tu , Conte , e ccontentone  
Dice ntra te : è lo vero , o n' è lo vero ?  
Ntosciate , ammico mio , ca n' aie ragione ,  
D'essere tu ntra tante lo bracciero.  
Via via fa squase senza suggezzione ,  
Ca lo marito è bero cavaliere  
Sanfasò , nè ccanosce , arrassosia ,  
Che bo signifecà la gelosia.

Ssa Furia potea schitto trommentare  
Qua biecchio de lo siecolo passato  
Co la setiglia ncuollo *acqua de mare* ,  
Co cappiello a ssufflè , co spata a llato ,  
Co no sciabò a trinchetto a beliare ,  
E cco no sciammerino arrecamato :  
Ma mœ venta , e addommata da la Moda ,  
Ntra le ggamme pò mmettersè la coda.

Arrevanno a la cammera affiatata

De lo taffio , abbesogna che tu lasse  
Lisa , pecchè ssa nennia s' è smammata ,  
E ppò reierse sola a ffà duie passe.  
Mo , p' acquistarte grolia diffammata  
De petimeoza , e ppe non fà tre asse ,  
Tutto zo , ch' aie a ffare , bello bello  
Voglio mmoccarte cò lo cucchiariello.

Comme vide la sdamma che s' assetta ,  
T' assiette rente ad essa a cchella mano ,  
Che a tte pe ghiusso proibbenno spetta.  
Ogn' autro o cchiù becino , o cchiù lontano  
Piglia puosto : ma vole l' etichetta  
Che lo marito stia , qua catapano (4)  
De la moda , assettato de manera ,  
Che non beca pe nniente la mogliera.

A mnesciuno aie ad essere secunno  
Pe ddì bonò , primma d' anghì la panza :  
Fanne porzà cadere miezo munno ,  
Ma sia tutto co debbeta crianza.  
Chello che non se dice chiatto e ttunno ,  
Ma schitto sotto mafaro , è n' usanza :  
Sibbè mperò na chiavecca maesta  
Appilata che ssia , sempe tt' appesta.

\*

S' accommenza a mmagnà...Fremma, va chianò;  
Na novetà ma grossa aie a ssaperè.  
Staie a Nnapole, sì napolitano,  
E ttale songo e ccuocche, e rrepostiere;  
Ma ascenno le ppiatanze mano mano,  
Se ll' hanno a ddà li nomme forastiere.  
La cosa pare buffa e strampalata;  
Ma nce arremmiedie tu? te a ta frittata.

Già se sa che la sdamma non ha mane  
P' accostatse la robba, ma l' ha schitto  
Pe mmoccarsela: a tte donca rommane  
Lo penziero de darle fitto fitto  
Zuppa, bollito, arrusto, vino, pane,  
Pizza, sarza, timpano, pesce, e fritto:  
E qquanno siente *grazie*, l' aie a ddà:  
Signora, è *grazie no*, o *grazie sì?*

Venenno le bbotteglie martellate  
De rosolle, e de vine forastiere,  
Liss, pe buon' aempio a li mmitate,  
Non le bo nè provare, nè bedere.  
Ma già tutte sò rotte, e smantellate (5)  
Da chille attuernò, che non sò messere,  
E cche stanno porzè a lo capezzale,  
Iocarriano no tuoceo a la riale. (6)

Comm' Aulisso , chill' ommo accossì fino ,  
Dint' a lo gran cavallo mpastorato  
Nce schiaffaie lo prutone cchiù schiappino ,  
Che s'era nchill' aserzeto ngaggiato , (7)  
Ccossì tu fa lo ventre zippo e cchino ,  
Sibbè t'avesse a rrommanè schiattato.  
Si non bole morì pe chiss' annore  
No paro tuio , pe cchi mmalora more ?

Co tanta *dalle* , e *dalle* co salute  
Site tutte arredate a l' ablativo.  
La sdamma s' è ssosuta , e buie sosute  
Ve site appriesso ad essa.... Oh che corrivo ,  
Che la natura non v' ha provvedute  
De chill' acedo ditto corrosivo !  
Accossì , deggerenno lesto lesto ,  
Se tornarria da capo a ffà lo-riesto.

Ma quanno non avite la gra sciorte  
De ss' acedo benegno , a le sbenture  
Nce vo pacienza , ma pacienza forte :  
E mmo de le ppiatanze li vapure  
Fanno provà campiseme de morte ,  
Da fare vommecà llo-ri signure ,  
Che pparite tant' otre nzin' a ncanna ;  
E cchi dice che nno , figlie , ve nganna.

Accossi va lo munno, mare nuie !

Chella cammera tanto sospirata

Doie ore fa da tutte quante vuie ,

Mo ve pare na cammera appestata.

Mente state facenno a cchi cchiù fuie

Da chella tale puzza mmalorata ,

Tu acchiappate pe braccio la signora ,

E , ffacenno fà lario , ascite fora....

Fora da chella cammera a mmagnare ,

Ma pe trasire dint' a n' altra , e ssia

Chella ( tu , ammico , mme lo puoie nzeagnare )

Che buie chiammate... Aspè... *de compagnia.*

Llà , le mmura non già pe ccautelare ,

Ma stesa nterra è la tapezzaria

Pe scarfarve li piede , e accossi scenne

Lo sango abbascio.... Chi mme ntenne , ntenne.

Ncopp' a no tavolino granne e ttunno

Chiammato *digiunè* , pe ffà vedere

Che nn' aie a diunà , stanno a zeffunno

E ttazze , e ccucchiarine , e ccafettere.

Tu primma de sfrattare miezo munno ,

Ddimmanna a Lisa che le fa piacere ,

E cche ccanchero vo , latte e ccafè ,

Cafè assoluto , o crostinielle e ttè ?

Mente surchie, e starrisse pe ssorchiare

Lo mare, e ssia lo *Russo*, tu accommenza

A pparlà, ma de cose, che ppassare

Non te flacciano maie pe no sfelenza.

Arte, e scienzic addò stanno lassa stare,

Ca la sostanza cede a l'apparenza:

E la moda nee nzegna che ssi taste

Pe lo cimmaro suio so tanta nchiaste.

Iodeca, meglio 'assaie de le madamme,

De seuffie, de fisciù, de cappellette:

Dì se le beste songo de magramme,

De tullo, de tricò, de giaconette;

Si s' hanno a traforà porzì le gganme,

O avasta traforarse le ccazette,

E ssi maie lo corzè stregnere attocca

Nfì che nn' esca lo spireto da vocca.

Parla, da fà scacà ciente cocchiere,

De trosche, de landò, de lavannare,

De vriglie, de bridune, e de testere,

De retene, de fibbie, e de collare,

De cavalle nostrale, e de frostiere,

E scodate, e ecodate, e scure, e echiare:

E ddì che mmo so gallarie le stalle,

P' alloggià li *Llustrisseme* cavalle.

Conta che ss'è ccagnata la stascione  
Pe la scherma, arredotta a bero straccio,  
E cche a tte nfì da misero guaglione  
Tanto e ttanto feteva lo mustaccio,  
Che ffacive pesare lo cazione  
A cchi schitto decea de darte mpaccio  
Nquacch' accademmia; ed ogne spataccino  
Pe tte abballava ncopp' a no carrino.

Spacca sentenze, peo de bisciottiere,  
De *necessarie* (buone co crianza)  
De lambe, cannelabre, e ccanneliere,  
De *boscie*, che nce veneno da Franza,  
De vase, ma de sciure, e profummere,  
De porcellane, e ccuorne d'abbonnanza,  
E de pippe, che sso *scumme marine*,  
Ma se venneno a ppiso de' zecchine.

Doppo parlato senza maie sputare,  
O pe ffare sputazza (è nineveniello)  
Penza d'esse spogliato, o de spogliare  
Nn' ammecizia; co qualche ghiocariello:  
Ma chi perde, ave a rridere e zompare,  
E cchi vince ave a ffà lo nfernusiello.  
Derraie: donca lo munno va a la smerza?  
E ggià, si mo la vusciola s'è pperza.



NOTE.

(1) *Gran Metastasio ! Quanto mai questa tua esclamazione calza bene al mio proposito !*

(2) *In Germania tutt' i nobili sono distinti col de avanti al loro cognome : e noi ? Seguiamo le pecorelle di Dante.*

« E come l' una fa , e l' altre fanno.

(3) *Ora si è introdotto l' uso di parlare con voce così bassa , che neppure le orecchie di Mida sentirebbero ciò che si dice. Fosse mai un raffinamento di prudenza , per non far comprendere le melensaggini ch' escono dalla bocca de' moderni luminari della civiltà ?*

(4) *Il catapano era presso i Greci del secolo XII. il governatore de' loro dominii in Italia.*

*Tal vocabolo deriva da cata in sopra , e da pan ogni cosa.*

(5) ..... *Impiger ausit*

*Spumantem pateram.*

*Eneide. Libro I.*

(6) *Giuoco ingannatore , che somiglia alla mora , detto ironicamente alla reale , cioè , schietto , e sincero.*

(7) *Omero da un cavallo posticcio fece nascere la ruina di Troia , e la vendetta di Giunone.*

## LA SERA

**S**ole mio, tu che ffaie? mmedeca chiano!  
Co lo ciuccio addò vaie voglio sapere:  
E ppecchè nce vuò fà no vasamano,  
E cchiantarce accossì comm'a mmessere?  
Te ne vuo'ì da nuie tanto lontano  
E pe qua fine po? pe ghì a bedere  
Zo che ffanno a lo Messecò, ed a Cubba  
Chille puopole ntontare? Na zùbba!  
**C**hille llà song' antipede, *ergo* ggente,  
Che ppenza co li piede: e ttu mo vuoie  
Lucro cessante fà, danno mmergente,  
Cagnanno bontoniste pe ccatuoie?...  
Oh mmalora! lo sole no mme sente,  
E se ne trase... Donca a ll' uocchie suoie,  
Sole e bbuono, nce tene le bbottelle,  
E trave sa piglià pe sfogliatelle?

Quanno lo sole ha fatto sso trainiello ,  
Sconcioglio mio , non aggio che tte fare :  
Mà si ntiempo de semmena ogn'auciello  
Canoscesse lo grano , addio massare. (1)  
Non t'abbeli mperò : mo bello bello  
Tutto zo ch'aie a ffà tt'aggio a nzegnare ;  
Ca la Moda maie d'anemo se perde ,  
E ccaccia fuoco nfi da l'erva verde.

Accommenza lo munno a stà coieto ;  
E li mmitate da lo cavaliere ,  
Co quatto passe nnante e ccinco arreto  
P'effetto de lo zuco de lo miero ,  
E ghiettanno no sciauro ch'è no fiato ,  
Se pigliano lecenzia , co pensiero  
De trovare pe craie quacch'autro Ancine ,  
Pe ffarele abbottà senza quatrine. (2)

Rommaso schitto tu qua cconfidente  
De lo sposo pacione , p'etichetta  
T'attocca a ffà da cavalier servente  
A la mogliera , cchiù de te porpetta.  
Ma già chiammare nn'ordene se sente  
Chella carrozza che sse dice... Aspetta...  
Brisca , briscone , brisconciello , o pure  
La mmalia che v'afferra int'a li ture.

Ma lesta è la carrozza , che sse chiamma  
Comme canchero Nfranza hanno voluto.  
Ordena la signora a na madamma ,  
Che pportasse , p' ascì , lo cane muto , (3)  
Cane tanto carito de ssa ddamma ,  
Che non la lassa maie miezo minuto.  
Ccossì tra bestie , ed uommene li *Quatto*  
*De lo Muoto* fammuse avite fatto.

Addò iate mo a sbattere? Io derria  
De faccia a cchillo vicolo a Toletto ,  
Ddò sta de casa la duchessa Arpia ,  
Ch'è ttornata da Franza iuorne arreto.  
Pe le scale se sente arrassosia  
No gran fiato de musco... Ntenno , fiato  
Pe quacche vaiassona , o qua vastaso ,  
Non pe cchi tene nobbele lo naso. (4)

Conte de st' arma , nchioccate a mmammoria  
Zo che tte dice chi tte porta ammore.  
È Arpia de lo Buon-tuono e annore e gloria ,  
E tu sì de la Moda e gloria e annore :  
Donca de chessa viseta la storia  
Ne parlarà , ma parlarà de core.  
Statte ncopp' a la toia ; ca si te scache ,  
Spiere po fuorze reparà ? ste brache !

Fegnite tutte quante de formàre

L' Accademmia Franzese rennomata :

Schitto a na cosa avite da bbadare ,

Ca si nò , vuie facite la frittata :

Llà se sole ogne scienza scrutinare ;

E ogne scienza da vuie sia scrutinata :

Llà se parla de l' arte ; e buie parlate

De l' arte , ma a la moda appropriate.

*Fiseca.* Si nfà a mmo sette colure

Appè l' arcobaleno , e ppo cioncaie ,

Lo Buon-tuono cò stiente , e cco sodure

A sse rrotola scarze rremmediaie ;

E ntra li chiare , immescapesche , e scure

N' autro migliaro nce ne conzegnaie ;

Co cierte nomme pò , che non li truove

Ntutte li calapine e biecchie , e nnuove.(5)

*Chimica.* Forna , arciale , caccavelle ,

Lammicche , assenzie , e spirete cò mille

Ezzetera , sò ccose bone e bbelle

Pe ffare o iunne , o nire li capille ;

Ianche li diente , e morbeda la pelle ;

Ca pe ttutto lo riesto friatille ,

Pecchè so smoccarie vere , e rriale ,

Da non ne fà nesciuno capitale.

*Astronomia.* V' avasta de sapere

Quann'ave a ccomparè la luna chiena  
Ntra Giugno, Luglio, e Agosto, e nc'helle ssere  
Appuntare a Posilleco la cena.

L'autre ccalcole so papocchie, e zere:

Sentite a mme; lassatenè la pena

A cchille che da capo a ccoda d'anno

Stanno ncopp' a na torre sbarianno. (6)

*Poesia.* Quanno leggenno no Giornale,

Trovate logogrifo, nneveniello,

Polisenzo, sciarada, o cosa tale,

Abbadate de scioglierlo a cciammiello,

Ca si no, site ggente senza sale,

Se ntenne ~~senza~~ sale a lo cerviello:

E cchi lo ngarra appena letto, tene

La Geometria d' Euclide a cchille bbene.

Comme toro ncampagna pe la stizza

Allucche ncielo desperato ietta,

Quanno n'apa a lo scianco se l' appizza,

E a ccuosto de morirce, lo carfetta;

Ccossà tu, Conte mio, piglia la mpizza,

Quanno n' altro se scorda l' etichetta,

Nè bene appriesso a la pedata toia,

Comme fa lo paziente co lo boia.

Doppo tanta parole e ddette e ntese  
Da tutte quante vuie, che a primma vista  
Pareno nchiaste de lo Calavrese, (7)  
Ma so perne mperò p'ogne mmodista,  
Potite arreposarve pe no mese,  
Pe ffà n' altro congresso boutonista.  
Pe mmo pigliate sciato, e ssi v' attocca,  
Mettiteve no taccaro a la vocca.

Ascenno, quanno state int' a l' antrone,  
Tu caccia pe ppazzia na bacchettella  
Fosforeca de nova mmenzione,  
E mmiettete a llummà na lenterrella. (8)  
Ssa lenterrella è mmo solelione.....  
Solelione è troppo....ebbè, sia stella  
Pe le scale, addò niente se nce vede,  
Nè ssapite addò mettere lo pede.

Arrevate a la bisca, tu conzogna (9)  
Soa Accellenzia mogliera a Soa Accellenzia  
Marito; ( ca lo Cielo faccia degna  
Ssa cocchia de cerviello, e de prudenzia ! )  
Mperò, comme commanna, e ccomme nznagna  
La debbeta crianza, e ccommenienza,  
Rengrazia tutte duie d' averte fatto  
Primmo abbottare, e ppo portare nquatto.

Se spannono ntramente l' ombre scure ,  
E da le ccase scennono a le strate : (10)  
Levanno mano li fatecature ,  
Le ppoteche hannò tutte rebbazzate :  
L' artesciane che fflanno li signure ,  
E non sò capallerte e scoietate ,  
Vanno a le ccase ; e cchille spolètrine  
Nchiommano a le ttaverne , e a le ccantine.  
Vedenno che sse va da malo mpeo ,  
T' avisse a smacenare ch' io te chianto ?  
Sconiglio mio , sì proprio no sciaddeo ,  
E pperdoname , ammico , si t' avantò.  
Io ve pozzo mmezzà lo Galateo ;  
A tte , e a lo Buon-tuono tutto quanto.  
So Barone , gnorsì , ma a le pperzone  
Non faccio l' aziune de barone.



NOTE.

- (2) Tutti poggia-alabarde a tempo mio ,  
Tutti , fuori , o lettor , che voi , ed io.
- (3) *Razza di cani più che pacifici.*
- (4) Naso gigante , presso cui parrebbe  
Esser pigmea la torre di Babbelle.
- (5) *Ed in fatti , in quali dizionari si rivengono vocaboli turco-italiano-francesi , che son quelli appunto , che dinotano i colori moderni ?*
- (6) *Si allude alla bellissima Specola sull' altura di Capodimonte.*
- (7) *Medicine , che si davano per curar tutt' i mali , ma non ne guarivano alcuno : al pari de' bontonisti , che parlando di tutto , non s' intendono di nulla.*
- (8) *Se tale invenzione fosse stata nota agli antichi , Virgilio non avrebbe scritto.*
- » *Ac primum silicii scintillam excudit Achates.*
- (9) » *Excellentes in arte non debent mori.*
- (10) » *Maioresque cadunt altis de montibus umbræ.*

## LA NOTTE

Allonga mo le rrecchie , ammico mio ,  
Porzì quant'a no ciuccio , ca faie buono :  
Mo che stammo sulille tu e io ,  
Tt' attoccarrà a ssentì cose de truono.  
Mm' è benuto addavero lo golio  
D' abbottarete tanto de buon-tuono  
A la ritta , a la smerza , e ncoppa , e ssotto ,  
Che ssarraie no modista ranavuotto.  
È ccomparza la notte ? Ebbiva essa , (1)  
La ianara mmardetta ! Se terasse  
Pe ssa prova le braccia , brutta sguessa !  
Po pigliarse mperò ssi gustè e spasse  
Co la ggente ch' è propeto maressa ;  
Ca co buie coglie nterra , e ffa tre asse.  
Tu cride ch' io coffeo ? che pparlo a staccio ?  
E ssiente mo ssa predecozza a braccio.

Ssa brutta sorà de la morte ha fatto

Lo munno addeventà d' uno colore ,  
Non lo munno galante , ma lo sfatto ,  
Che ssolimmo chiammà munno de fore :  
Llà ognuno s' arrecetta guatto guatto ,  
Ccà da capo accommenza lo rommore ;  
E li palazze allummenate a ghiuorno  
A ssa vecchia sciaddea fanno no cuorno.

Già la Famma cchiù becchia ntra le becchie , (2)

Che nn' assenza , e nsostanza è fliccanaso ,  
Da la capo a lo ventre tutta rrecchie  
Che bo appizzà da l' *Uorto* nfì a lo *Caso* ,  
E da lo ventre abbascio , qua ppetecchie ,  
Tutt' uocchie comme fosse grattacaso ,  
T' ha ditto , Conte mio , che a la primm' ora  
Sta ncasa la Marchesa Dianora.

Derraie : ma che mme iova de sapere

Si ssa ddamma stia ncasa , o no nce stia ?

*Stare ncasa* ( Sconci , sì no messere )

Signifeca *tenere compagnia*.

Siente , va llà , ca nce avarraie piacere ;

E ssaluta porzì da partè mia

Le ssignore co ddì : chillo *birbante* (3)

De Barone v' assequia tutte quante.

\*

S' affina l' oro : mo la cera è schitto  
Bona pe tt' allustrì li pavemiente ,  
Non già pe ss' appiccià ( non sia pe dditto )  
Addò stanno signure , e non pezziente.  
L' uoglio , l' uoglio , e ssia pure chillo fritto,  
Porta bannera , e tu lo vide , e ssiente :  
E pperzò li *chinchè* nfacce a le pporte  
Fanno no lummo cchiù addoruso , e fforte (4)  
Cchiù non s' ave a ppenzare a li sofà ,  
Le poltrone non s' hanno cchiù a bedè ,  
Li divane se vanno a ffà squartà ,  
Nè s' hanno a nnommenà li canapè.  
Mmiez' a le ggallarie pe ss' assettà  
Nce stanno mo li nobbele patè. (5)  
Le sdamme , e ccavaliere n' abbesogna  
Parlarse a ffaccia a ffaccia , ca è briogna.  
Trasenno , truove a mmorra le sdammine ,  
E li signure a mmandra , e a ccaravana ,  
De tutte sciorte , comm' a li stracquine ,  
O li quatre de l' Aria Catalana.  
Parlano , e a li lontane , e a li vecine  
Comme sanno cardà bona la lana !  
E credono de fà na bella cosa ,  
Pe fline già de caretà.....*pelosa*.

**Le** becchie , avanze de lo Cincociento ,  
Stanno tutte ammuchiate a no cantone ,  
Co bentaglie cinise a ffarse viento ,  
E ttenenno ntra loro sessione :  
Diceno che sta vita è no trommiento ,  
Che sto siecolo fa compassione ;  
E ppe la gioventù , ch'è ccapo smerza ,  
Tutto lo munno è addeventato Averza.

**A** n' autra banna mmaretate , e spose  
Ridono , ca le becchie , non potenno  
Fà cchiù tirrepetirre , mmidiose ,  
Stanno fruoffeee fruoffece facenno ;  
E ncagno de ncioncarese annascose  
Dint' a le ccase , stanno ancora ienno  
Pe ffeste , e ppe triate , pe se fare  
Da lo neverzo sano coffeare.

**Le** zetellone , o sia , chelle che ffanno  
Lo cuollo luongo , da trent' anne nate ,  
P' ammore de lo prossemo ccà stanno  
Facenno chiose a spose , e a mmaretate :  
Compiatesceno chelle che se vanno  
De voglia a ffarse schiave ncatenate ,  
E cchesse , che ppavannone la pena ,  
Hanno fatto lo callo a la catena.

Li milordine linte e ppettorute ,  
Che fflanno allerta lo Buon-tuono reiere  
A bbotte de spropuosete chiantute ,  
Vonno lo munno sistemà , e ccorreiere.  
Chisse non so sapute.....Che ssapute ?  
Non sanno che bò d'i scrivere , e lleiere :  
Ma no mporta ; si fosse necessario ,  
Che ttenarriano a flà lo secretario ?  
Chi parla de calosce , e de stivale ,  
Chi de gilè , de fracche , e de cazune ,  
Chillo de sarviette , e de mesale ,  
Chisso de moccatora , e de bottune.  
Che ne vuo' fare ne li tribunale ,  
P' armà *Consideranno* , e ccostiune !  
Ma tutte ssi trascurze so le bere  
Somme senz' unetà , zere via zere.  
Llà sdamme , e cavaliere a ssituare  
Se vanno *nchiazza* , a ccocchie , e nsemmetria....  
Pe cche ccanchero fà ? pe passiare ,  
E non già pe bballare , arrassosia !  
Le rrecchie pe non farese ntronare ,  
E non pe ffline maie d' economia ,  
Ncagno d' orchestra , sona a ccontradanza  
Lo pianoforte , anze soverchia , e avanza.

Ccà mmiez' a na gran tavola s' assetta  
Comme fosse procuonsolo de l' arte ,  
Pe ffà no tagliolillo a la bassetta ,  
No monzù , che ssa schitto chesse ccarte.  
Chi lo *rre* , chi lo *doie* , chi l' *asso* aspetta:  
Chi da lo *punto* suo ll' uocchie non parte:  
E cchi *taglia* , e cchi *auza* stanno frische ,  
Avenno da chi perde li refrischie.  
Conte de st' arma , comme l' altre fanno ,  
Tu fa de tutto , e cche ne vene vene ,  
Da paro tuo taglianno , ciammettano ,  
E critecanno comme tte commene.  
Quanno vide che tutte se ne vanno ,  
Nè la sdamma cchiù *ncasa se trattene* ,  
Tu , senza salutare ( non sia maie ! )  
Manco n' ombra , a *San Carlo* te ne vaie.  
Sso triato nn' Auropa assaie fammuso ,  
Iutone nfummo peo de na fanoia ,  
Anze ( chisso è n' asempio cchiù azzeceuso )  
Addeventato na seconna Troia ,  
Doppo rommaso appena n' anno chiuso ,  
Renscic qua ffenice 'a grolia soia :  
E accommenzaie da capo carnevale  
Pe li primme mpiagate triatale. (6)

Magnavano , dormevano , e de trotto  
Po ieano a ppadià ntrosco , o a ccavallo ,  
Ntramente li coriste.....Che nne votto?....  
Li corifée de museca , e de bballo , (7)  
Che , sibbè li smerzave capo sotto ,  
Da cuollo a lloro non cadea no callo ,  
O steano caucianno nzine fine ,  
O stracciannote ncuorpo le stentine.

Da Pasca a Pasca tu te sì *abbonato* ,  
E avive a ffà ccossì.....Pe qua raggione?....  
Pe la raggione che ssì sempe stato  
Tre bote buono nfino da guaglione.  
Se sa che ttu vaie schitto a lo triato  
Pe bedè da vecino le pperzone:  
Aie donca da scanzà lo correturo ,  
Ca chillo pizzo non è mmaie sicuro. (8)

Trase , e trasenno miettete a bedere  
Comme stanno nzardate tutte quante ,  
Stodiente , secretiste , cavaliere ,  
Stodiente , ficcanase , trastolante ,  
Stodiente , militarie , forastiere ,  
Stodiente , artiste , miedece , e mmercante :  
E le ddamme , e mmadamme stanno strette  
Comm' a ttonnina dint' a li parchette.



La museca sarrà de Paisiello ?

Sconci ! Che Paisiello , e ppaisotto ?

No masto de cappella , o de cappiello

L' ha scritta : siente , o no , tromma e flagotto

Comme traseno propeto a cciammiglio ,

Speretianno a ttiempo e ncoppa , e ssotto ?

E pe mmerca de museca moderna ,

La gran-cascia le rrecchie tte squaterna.

Ecco lo ballo: stanno a *debbutare*

L' uommene , e li cavalle... Oh che stupore !

Si li primme se mperrano a zompare ,

Li secunne se fanno assaie cchiù annore.

E ttu , che ssaie lo mereto apprezzare ,

Allucca *bisse bisse , ffòre fore* .

A le bbestie mperò , pecchè mmo stanno

A ddarte stizio comme meglio ssanno.

Che nnobbele spettacolo ! Te spassano

Le flemmene , e le bbestie , che se mpestando

Co ll' uommene , e sse pigliano , e sse lassano ,

E nn' attemo a lo correre se restano ;

Po nfuria se secutano , e sse passano ,

Se votano , se ntrezzano , e sse pestano :

A l' urdemo lo prubbeco salutano ,

E subbeto le sciaccole se stutano.

Sie l' urdemo a llassare lo triato ,  
E abbiate llà pe llà sciuvè sciuvè  
O sulo sulo , o male accompagnato  
De l' Albergo Riale a lo Cafè : (9)  
Cerca sicarre ; e dopp' avè fummato ,  
Stennecchiate a lo meglio canapè ,  
Nfì che l' acquavitare , ienno attuorno ,  
Te fanno allecordà ch' è ffatto iuorno.

*Signor , gran cose in picciol tempo hai fatte*

Tasso te dìce , e tte lo dico io.

Tu si de carne , e nno de fierro ; e batte

A ntanarte na vota , ammico mio !

Dint' a lo letto schiaffate , e llà sbatte

Comm' a na tenga , senza maie golio

De suonno , e ttiso tiso llà te rieste ,

Nfì a ttanto che tte vestono , o te vieste.

Sconci , ccà faccio punto , e mme sto zitto ,

Ca quanto de sto ffraceto sapea ,

Tutto ncoscienza mia tte l'aggio ditto ,

E ssi cchiù ne sapea , cchiù ne decea.

Tocca a tte de cacciarene profitto ;

E mmosta che la Moda è na gran dea ,

Che , danno no delluvio de consiglie ,

Adderizza pe nzino li *sconciglie*.

NOTE.

(1) ..... Oh sommi numi,  
Suspendete la notte. *Parini.*

(2) Tot vigiles oculi subter, mirabile dictu,  
Tot linguae, totidem ora sonant, tot subrigit aures.  
*Eneide. Libro IV.*

(3) *I petimetri han corretto un marcio errore del Vocabolario della Crusca. Il Birbante non è l'uomo di cattivo affare, ma di cattivo abbigliamento.*

(4) *Sorta di lume ad olio, che si situa agli usci delle stanze.*

(5) *Sedile tondo, ovato, o quadrato, in cui tutti si adagiano d'intorno, a spalle a spalle.*

(6) *Il famoso Teatro di San Carlo s'incendiò nel 1816, e fu riedificato nel 1817.*

(7) *Corifeo è colui che batte la battuta qual direttore del coro, o colui ch'è il più degno in ogni ordine. Ecco dunque ne' nostri coristi tante persone di primi ordine, e direttori.*

(8) *In Napoli il Corridoio del Castel Capuano è quella stanza, per la quale i condannati a morte passano dalle carceri alla così detta Cappella.*

(9) *Nel Caffè dell'Albergo Reale si radunano tutt'i vagheggini dopo i teatri, per prendere qualche ristoro, e per non oziare.*

FINE.

51114

